

Company Name : Pharmaniaga Berhad
Date : 07 April 2017
Source : Utusan Malaysia

Pharmaniaga tumpu perniagaan bukan konsesi

Oleh MUHD. SHAHIZAM TAZALI

ekonomi@utusan.com.my

KUALA LUMPUR 6 April - Pharmaniaga Berhad menyasarkan perniagaan bukan konsesi menyumbang 60 peratus kepada pendapatan kumpulan pada tahun 2019.

Pengarah Urusannya, Datuk Farshila Emran berkata, tahun lalu perniagaan bukan konsesi merekodkan 49 peratus sementara 51 peratus adalah daripada perniagaan konsesi.

Beliau berkata, daripada jumlah tersebut sebanyak 29 peratus telah disumbangkan oleh perniagaannya di Indonesia iaitu PT Millennium Pharmacon International Tbk (MPI) dan PT Errita Pharma.

"Keuntungan menyusut disebabkan kuantiti pesanan yang rendah daripada pihak kerajaan selain peningkatan kos operasi syarikat, namun pertumbuhan menggalakkan dalam operasi di Indonesia

dan sektor swasta berjaya menampung kesan negatif tersebut.

"Sebelum ini kontrak atau konsesi daripada kerajaan mendominasi perolehan kumpulan. Pengurangan konsesi tidak bermaksud kami mengurangkan jualan, cuma mahu

mengukuhkan sektor swasta sekali gus mengurangkan kebergantungan hasil konsesi kerajaan," katanya dalam sidang akhbar mesyuarat agung tahunan Pharmaniaga di sini hari ini.

Yang turut hadir Pengerusi Pharmaniaga, Tan Sri Lodin Wok Kamaruddin dan Ketua Eksekutif Kewangan Pharmaniaga, Norai'ni

Mohamed Ali.

Sementara itu, Norai'ni berkata, Pharmaniaga menyumbang 40 peratus daripada bajet kerajaan berjumlah RM3 bilion dalam bidang farmaseutikal bagi ubat dan bukan ubat.

Kata beliau, hasil akan diiktiraf secara berperingkat setiap bulan apabila pihak kerajaan membuat pesanan kepada Pharmaniaga.



FARSHILA EMRAN